

Banca chantunala discurra rumantsch

Purschida rumantscha da la Banca Chantunala Grischuna

■ (mc) Dapi l'atun passà pon clientas e clients da la Banca Chantunala Grischuna retschaiver sin giavisch la documentaziun d'annunziat ed extracts en rumantsch grischun. Sco quai che il manader dal martgà da la Banca Chantunala Grischuna *Thomas Roth* ha accentuà apprezzescha la Banca chantunala las valurs culturalas e la trilinguitad che è característica per il chantun Grischun e sa senta perquai obligada da s'engaschar per il mantegniment e la promoziun da tut ils trais linguatgs uffizials dal chantun. Clientas e clients che giavischan retschai-

van gia davent da l'october passà la documentaziun necessaria en rumantsch grischun. La Banca Chantunala Grischuna saja la suletta banca che haja ina purschida rumantscha d'output en sia purschida, menziunescha Roth.

Cun il sustegn dals linguists *Manfred Gross* da la Lia Rumantscha e dal cussegliader extern *Clau Solèr* e dal *Ivo Berther* da la Promoziun da linguatgs dal chantun Grischun èn tut las noziuns necessarias da la terminologia da banca vegnidas transladas en rumantsch grischun. I saja stà ina gronda sfida ed ina



Cun ina campagna da placats ed inserats renda la Banca Chantunala Grischuna actualmain attent la populaziun a sia purschida rumantscha.

MAD

veritabla lavur da pionier da stgaffir las noziuns spezialas en rumantsch, ha punctuà *Manfred Gross*. Il pli grond giavisch dals trais experts linguistics è uss

che il rumantsch grischun vegnia rinforzà entras quest project e che la purschida vegnia nizzegiada stediain da la clientella rumantscha.

La clientella rumantscha è impurtanta

Sco quai che il parsura da la direenziun *Aluis Vinzens* che è da lingua rumantscha ha punctuà saja la clientella rumantscha da gronda impurtanza per la Banca chantunala. La Banca chantunala saja la pli gronda banca dal Grischun, ella dettia lavur a 1145 collavuraturas e collavuratur e las filialas sajan repartidas per l'entir chantun enturn. Sco mezena sustegnna la Banca Chantunala Grischuna er adina puspè project culturalas.

Sia simpatia e ses sustegn per la trilinguitad grischuna e per il rumantsch en spezial documentschia la Banca chantunala adina puspè cun edir en rumantsch grischun las comunicaziuns las pli impurtantas per las medias, diversas publicaziuns specificas, inscripziuns da bajetgs ed affischas e da nov era cun annunziat ed extracts da banca. Er ils bancomats da la Banca chantunala resguardan quatter linguatgs. S'entelli che la clientella rumantscha vegn survivida en las regiuns rumantschas d'emploiadadas ed emploiads rumantschs al spurtegl.